

Ngoenzciet Cienздоengj Gou Ceiq Gyaez

我最喜欢的传统节日

Ngoenzciet cienздоengj gou gyaez miz haujlai, lumjbaenz ndwencieng、ciet ndwenngux co'ngux、ciet bouxlaux……Mboujgvaq gou ceiq gyaez lijdwg ciet ndwenbet cibngux, aenvih ciet ndwenbet cibngux gou ndaej gwn bingj-ronghndwen gak cungj gak yiengh.

Mwh ciet ndwenbet cibngux, ranz gou ciengzseiz cawx haujlai bingjronghndwen, miz sim gyaeqhak, miz sim duhnamh, lijimiz sim dousah……Ndawde gou ceiq gyaez sim lenzyungz, gwn youh van youh unq, hom van dangqmaz, mwh ciet ndwenbet cibngux hix dwg mwh ndei yawj ronghndwen, ronghndwen ngoenz haenx lumjbaenz luenz lai gvaq gaxgonq, lumj aen gingq youh hung youh luenz nei. Rongh hausagsag ciuq youq gwnz dieg, couh lumj dwg gou daeujaengz gwnz ronghndwen nei.

Miz bi ndeu ciet ndwenbet cibngux,

daxmeh gou cawx bingjronghndwen daegbied lai. Gou ceiq gyaez gwn bingjronghndwen, baez baij daengz gwnz daiz gou couh hainduj leh, doeklaeng gou ra raen aen bingj sim lenzyungz, mboujgvaq ndawde lijimiz gij gyaeqhak gou mbouj gyaez, yienghneix gou cungj hawj daxmeh. Aenvih gou gyaez bingjronghndwen neix lai, gou fwngz gaem aen, gaemz hung oet haeuj bak bae, aen neix lij caengz gwn liux, couh bae gwn aen haenx, ndaw bak oet rim liux, bak bongz lumj aen giuz nei. Gou laebdaeb gwn liux 5 aen, aendungx gou in raixcaix, gvaqlaeng gou caij mbouj gamj luenh gwn bingj-ronghndwen lo.

Ciet ndwenbet cibngux dwg ngoenzciet doxcomz, gou gyaez ciet ndwenbet cibngux, caen maqmuengh daihgaya youq ngoenz neix cungj ndaej caeuq vunz ndaw ranz doxcomz gvaq ciet ha!

(Dwng Swjhanz)



中秋佳节

Haemh Ciet Ndwenbet Cibngux

中秋节之夜

Ciet ndwenbet cibngux haemhhaenx, ronghndwen venj youq gwnzmbwn, lumj aenbuenznyawh hung ndeu, youh lumj aen daengloengz hung ndeu, ronghndwen ronghsagsag ciuq youq gwnz dieg couh lumj doengxngoenz nei.

Youq laj ronghndwen, gou caeuq daxmeh riuj aen daengloengz bae youz, gou caeuq daxmeh byaij youq gwnz gai, gwnz gai vunz gig lai, ci vunz baebae dauqdaug, nauhyied raixcaix, gij daeng hoengzhoengz heuheu migmyanz. Gwnz gai miz vunz gai vanzgi, hix miz vunz cawx vanzgi, gou yawjraen le hix heuh daxmeh cawx aen ndeu hawj gou. Dou byaij daengz henz dah, yawjraen miz vunz youq henz dah cuengq Daenggungjmingz, Daenggungjmingz mbin daengz gwnzmbwn, gwnzmbwn lumj miz lai aen ronghndwen ndeu nei.

Haemh ndwenbet cibngux caen ndei guhcaemz ha!

(Sanglinz Yen Dafungh Cin Cunghsinh Hagdangz seiq nienzgaep Cinz Cihsan boux lauxsae son'gyauq: Mungz Cwngzgen)

Gij Gojgaeq Gou Caeuq Saw

我和书的故事

Saw, dwg baengzyoux ceiq ndei vunz, youq gyang saw yaek senj cek saw ceiq ndei、ceiq gyaez, caen mbouj ngaih, danghnaeuz caen hawj gou naeuz ok cek saw ceiq gyaez, haenx couhdwg 《Sanhgoz Yenjiyi》 lo. Bouh 《Sanhgoz Yenjiyi》 dwg gij laex “roek it” daxboh soengq hawj gou, gou gyaez de raixcaix, caemhcai lij bau caengz beiz ndeu hawj de dem, gou hix ciengzseiz doeg de, daj ndawde roxnyinh angqyangz caeuq hag sawda……Gou caeuq de miz haujlai saeh mizyinx, hoeng daegbied hawj gou nanzlumz dwg baez haenx gyanghwnz doeg saw.

Haemh gyaundeis ndeu, gou ngamq dajcaemx liux, cingq naengh youq henz daizsaw yawj 《Sanhgoz Yenjiyi》 yinx dangqmaz, cek saw neix gou gaenq yawj gvaq haujlai baez lo, hoeng gou couhdwg cuengq mbouj roengz de, lijdwg ngoenznaengz dingj bae yawj. Yaepyet, gou gaenq yawj le song diemj lai cung lo, gou mbouj rox saek di. Mwh gou cingq yawj daengz giz yinx, sawqmw h dingqnyi sing ndeu: “Cib diemj lo, lij caengz bae ninz!” Dingq le, gou sij mbouj ndaej cuengq cek saw roengzdaeuj, bae ninz lo.

Youq gwnz mbonq, gou fan bae foek dauq, cungj ninz mbouj ndaek, ndawsim lijdwg naemj 《Sanhgoz Yenjiyi》, gij cingzciet ndaw gojgaeq yinx gou, doeklaeng, gou nyaenx mbouj ndaej lo, gou laeglemx byaij coh gyaqsaw, dawz cek 《Sanhgoz Yenjiyi》 caeuq aen dienhdoengz ndeu, ndoj youq laj denz yawj ndaej angq dangqmaz. Gou lau deng daxmeh rox raixcaix, hoeng baez naemj daengz de gaenq ninz ndaek couh cuengqsim roengzdaeuj, laebdaeb yawj saw. Hoeng cainanh naemj mbouj daengz, daxmeh sawqmw h daeujaengz rug gou, mwh de yawjraen gou cingq yawj saw, doq hozhwnj dangqmaz, ndaq gou baez ndeu, gou hix mbouj miz saek di banhfap, cijndaej nyaenx dwk, cuengq cek saw roengzdaeuj bae ninz lo.

Gij gojgaeq gou caeuq saw ciengxlwenx mbouj sat, fag riengz dwk gou majhung bienq ndaej yied daeuq yied lai.

(Sinhyiz Si Cangzcingh Siujoyz Ciz Bingjiyi)